

ՄՇԱԿ

Տարեկան դիմել 10 րուբլ, կես տարվանը 6 րուբլ:
Առանձին համարները 5 կոպեկով:
Թիֆլիսում դրվում են միմիային խմբագրատան մէջ.
Օտարաբարացիք դիմում են ուղղակի
Тифлис. Редакция «Мшакъ»

Խմբագրատունը բաց է առտօտան 10—2 ժամ
(Բացի կիրակի և տօն օրերից):
Պայտարարութիւնը ընդունվում է տմեն լիզուով:
Պայտարարութիւնների համար զնայում են
խրատանսիսը ըստին 2 կոպեկ:

„ՄՇԱԿ“

ԼՐԱԳԻՐ ՔԱՂԱՔԱԿԱՆ ԵՒ ԳՐԱԿԱՆԱԿԱՆ

1881 թ. ի ն

(ՏԱՍՆԵՐՈՐԴ ՏԱՐԻ)

Կը հրատարակվի նոյն դիրքով և նոյն պրոգրամայով ԱՄՆԵՆ ՕՐ (բացի տօն և տօներին հետևող օրերից):

ՊՐՕԳՐԱՄԱՆ. I. Տէրութեան կարգադրութիւններ, II Առաջնորդող յօդուածներ, III Ներդրած տետրեր, IV Արտաքին տետրեր, V Խառն լուրեր, VI Հեռագիրներ, VII Ֆելետոն և բանասիրական, VIII Յայտարարութիւններ:

ԼՐԱԳՐԻ ԳԻՆԸ, տարեկան 10 րուբլ, կես տարվանը 6 ր., հինգ ամս. 5 ր., չորս ամս. 4 ր., երեք ամս. 3 ր., երկու ամս. 2 ր., և մի ամս. 1 րուբլ:

Գրվել կարելի է խմբագրութեան մէջ հետևող հասցեով. Тифлисъ, редакция «Мшакъ».

Խմբագիր-հրատարակող ԳՐԻԳՈՐ ԱՐՇՐՈՒՆԻ

ԲՈՎԱՆԳԱԿՈՒԹԻՒՆ

Մի պատասխան. — Ն երբ ին տեսութիւն, Հակասեմիտական շարժում, Նամակ երեսնից, Նամակ խմբագրին, Նամակ խմբագրին, Ներքին լուրեր. — Արտաքին տետրեր, Գերմանիա, Նամակ Ֆրանսիայից, — Խառն լուրեր. — Մշակի հեռագիրներ. — Յայտարարութիւններ:

ՄԻ ՊԱՏԱՍԽԱՆ

„Մեղու Հայաստանի“ լրագրի այս տարվայ 2-րդ համարը հրատարակեցաւ յունվարի 20-ին: Այդ համարի մէջ „Մեղուն“ իր սովորական կեղտոտ կերպով ակնարկում է ֆելետոնի մէջ որ „Մշակը“ բողոքական է և օրդան է և կարող է ստանալ օժանդակութիւն միսիօնարական բողոքական ընկերութենից:

Միշտ մի և նոյն կեղտոտ և անազնիւ ձև յեղաշրջել մտքերը և հակառակորդի ասածները: Մենք ասեցինք որ ուրախ ենք, որ այլադաւան հայերը գրքովում են „Մշակին“, մենք չասեցինք որ միայն աւետարանական հայեր են գրվում, այլ այլադաւան ասելով հասկանում ենք և կաթօլիկ հայերին: Կաթօլիկ հայերի հետ, օրինակ, ի՞նչ գործ ունի միսիօնարական բողոքական ընկերութիւնը: Մենք ասեցինք, որ մեր նպատակն էր միշտ՝ դարձնել „Մշակը“ ընդհանուր հայոց ազգային օրդան, բայց ոչ թէ ազգի մի կրօնական մասի օրդան, մեր նպատակն է ծառայել ազգի ընդհանուր շահերին, առանց խտրութիւն դնելու մեր ազգի մէջ գոյութիւն ունեցող այլ և այլ կրօնների մէջ: Մենք

կրկնում ենք, որ շատ ուրախ կը լինէինք եթէ մահմետական հայերն էլ սկսէին գրվել մեր լրագրին:

Իսկ այժմ „Մեղուի“ ստորին սիւնը աչիւն մենք կը պատասխանենք, որ մենք այն մարդիկներից չենք, որոնք որ և է ընկերութեան, — լինի դա բողոքական միսիօնարների, կաթօլիկ եզուիտների, կամ Թիֆլիսի հաստափոր վաճառականների ընկերութիւնը, — դրամական օժանդակութեամբ հրատարակենք „Մշակը“ քանի որ բաժանորդներ և սեփական նիւթական միջոցներ կունենանք, իսկ եթէ այդ երկու աղբիւրներն էլ պիտի կորցնէինք, մենք լաւ կը համարէինք բողոքովին հրաժարվել մեր լրագրի հրատարակութիւնից, կամ գուցէ շաբաթը մի անգամ, վերջապէս ամիսը մի անգամ հրատարակել թերթը, — քան թէ կաշառվել Թիֆլիսի վաճառականներից և խաւարասէր ու բթամիտ հայ ինտելիգենցիային պատկանող ամենափտածներից, կամ, որ աւելի էլ վատ է, ստանալ Լէյմիաճնից մի քանի հարիւր րուբլ, նրա արածների մասին լռելու պայմանով:

Մեզ համար գործունէութեան անկախութիւնը ամենաթանգագին բանն է:

Մենք դարձեալ կրկնում ենք Պետրոս Առաքելականին, որ նա վարվում է ինչպէս Մօսկվայի ժողովի կնքը. ինչ որ ինքն է անում, վերաբերում է ուրիշներին: Մենք լուում էինք նրա ա-

րածների վրա, բայց նրա մեզ վրա արած անազնիւ և կեղտոտ յարձակմունքը տեղիք է տալիս մեզ պարզապէս յայտնել, որ ահա մի ամբողջ տարի է, որ նա շողոքորթում է ազգի այն բոլոր տարրերին, որոնցից յոյս ունի ստանալ դրամական օժանդակութիւն, ծախելով նրանց իր անկախութիւնը, իր խօսքի ազատութիւնը, եթէ երբեք ունեցած է այդ անկախութիւնը և այդ ազատութիւնը: Եւ այդ տարրերը հետևեալներն են. Լէյմիաճնիք, մեր ինտելիգենցիայի ամենաթափաւր և ամենափառասկարմար և ազգի վրա թքող Թիֆլիսի վաճառականները: Իր մտաւոր և բարոյական անկախութիւնը մի քանի ակցիաներ անուանվող ողորմութեան, այն է մօտ երկու հազար րուբլու համար ծախող ստոր մարդը, յանդգնում է ուրիշի վրա ստուեր գցել: Ուրիշի վրա կեղտը գցելու նպատակը, իր սեփական կեղտը ծածկելն է:

„Մշակը“ պահպանվել է, պահպանվում է և միշտ կը պահպանվի տարեկան կամաւոր բաժանորդներով և մեր սեփական միջոցներով, իսկ եթէ մենք մի անգամ կատարելապէս աղքատանայինք, — մենք երբեք ամենաստոր և իր պատուի վերջին նշույլը կորցրած փողոցային մուրացկանի պէս ձեռք չէինք մեկնի ոչ ոքին, ծախելով մեր բարոյական անկախութիւնը և ազատապէս մտքեր յայտնելու իրաւունքը, այլ աւելի լաւ կը համարէինք կատարելապէս դադարեցնել „Մշակի“ հրատարակութիւնը և գաղթել ուրիշ երկիր, հեռու գնալով այն հասարակութիւնից, որ ընդունակ է վարձատրել միմիայն ստորութիւնը և ցածութիւնը, վախենալով միմիայն ստորութիւնից և ցածութիւնից:

Գ. Ա.

ՆԵՐՔԻՆ ՏԵՍՈՒԹԻՒՆ

ՀԱԿԱՍԵՄԻՏԱԿԱՆ ՇԱՐԺՈՒՄ

Այս ամիս ժամանակից, երբ եւրօպական տերութիւնները յանուն արդարութեան և քրիստոնէական մարդասիրութեան միջազգային դաշնագրի ներքին արժանատիւ արին հին աշխարհից աւանդած սարկութիւնը, այդ տանջանքներով, արիւնով և դառն արտասուքով լիքը հաստատութիւնը (ХНСТЫТУТЪ), սկսած այն ժամանակից երբ

Ֆրանսիական յեղափոխութիւնը յայտնեց մարդկութեանը „հաւասարութեան“ բարձր սկզբունքը, — այդ ժամանակից սկսած գիտութիւնը իր ամենապայծառ պրինցիպներէ մէկն է համարում՝ մարդկանց հաւասարութիւնը բարոյական և իրաւաբանական տեսակէտից: Բայց ի՞նչ ենք տեսնում իրական աշխարհում: Մարդկութիւնը կարծես արհամարհում է գիտութեան ձայնը: Հակասեմիտական ուղղութիւնը պարզ ցոյց է տալիս թէ որքան շօշափելի է կեանքի և գիտութեան եզրակացութիւնների մէջ նշմարվող հակասութիւնը, — մի տարօրինակ երևոյթ որ չէ ներդաշնակում լուսաւորութեան և առաջադիմութեան ընթացքի հետ:

Այն խայտառակ շարժումը որ յայտնվեցաւ վերջին ժամանակը հրէական տարրի դէմ Գերմանիայի խաւարամիտ շրջաններում, արձագանք գտաւ և ուրիշ յետագէտ կուսակցութեան մէջ: Այն ինչ մայրաքաղաքների ուսումնորդ մամուլը ծաղրում էր „լուսաւոր Գերմանիայում“ ծնված հրէաշատր ուղղութիւնը, Մօսկվայի մի լրագիր միայն բոլոր սրտով համակրեց հակասեմիտական ուղղութեանը և համակրեց ոչ թէ միայն պաշտօնական կերպով, այլ և նիւթականապէս, պարագլուխ հանդիսանալով մի իբր թէ կազմակերպվող ընկերութեան, որի նպատակն է ընդգիմադրել հրէական կեանքի զարգացմանը: „Ուր դիմել ոչ մի հրէայի ինչ արհեստի և պարսպամն չը լինի նա,“ — ահա այդ կազմվող ընկերութեան նշանաբանը: Կարծիք չը կայ որ նրան հազիւ թէ յաջողի իրագործել իր նպատակը, բայց իրողութիւնը, երևոյթը ինքն ըստ ինքեան շատ ցաւալի է: Հրէաների գրութիւնը Ռուսաստանում առանց այն էլ աննախանձելի է: Զրկված լինելով մի շարք քաղաքական և պետական իրաւունքներից հրէական ինտելլիգենցիայի ներկայացուցիչները սեփական օրգաններում աշխատում են փշրել հասարակութեան մէջ դարերով ամրացած նախապաշարմունքները և աւանդական ատելութիւնը դէպի սեմիտական տարրը: Փոխանակ համակրելու և ամենակերպ նպաստելու այդ գեղեցիկ գործունէութեանը, դեռ գտնվում են հրապարակախօսներ, որոնք չեն ամաչում լրագրի էջերից ատելութիւն և թշնամութիւն քարոզելու դէպի հրէաները: Այդպիսի մի անարգ ձգտում կարող էր յայտնվել միայն մի նեղ, յետագէտ և թիֆլիսի ազգասիրական շրջանում:

Չը պէտք է կարծել որ հակասեմիտական շարժումը նոր ժամանակներում յայտնվեցաւ Գերմանիայում և մասամբ Ռուսաստանում: Գեռ անցեալ տարի Նիւ-Յորկում կազմվել էր մի միութիւն, որ ընտրել էր իր նպատակը՝ ոչնչացնել հրէական ցեղը: Այդ ընկերութեան կանոնադրութեան ամեն մի յօդուածը շնչում է ամենակողմ ֆրանստիկոսութիւնով: Ահա այդ յօդուածներից մի քանիսը. — Չը պէտք է յաճախել եկեղեցի, որովհետեւ այնտեղ երգվում են Գալիլէ մարգարէի սաղմոսները: Չը պէտք է յաճախել կոնցերտներ, որովհետեւ այն

տեղ տալիս են Սֆինքսին, Մենդելսոնին, Մայերբերգին և ուրիշ հրեայ կոմպոզիտորներին շարադրութիւնները: Պէտք է աշխատել, որ հրեաները չընտրվեն պարլամենտի անդամներ, որովհետեւ Բիկօնֆելդը Անգլիայում, լատիները Գերմանիայում, Ժիւլ Սիմօնը և Լեոնիդ Ֆրանսիայում պետական կեանքի մէջ մեծ նշանակութիւն են ստացել: Չը պէտք է կարգաւ Առերբախի, Հայնէի, Բերտոլդիի և ուրիշ հրեայ հեղինակների գրուածքները: Չը պէտք է ստանալ Հարպերի պատկերազարդ տմազիրը, որովհետեւ նրա գլխաւոր աշխատակիցը—հրեայ է: Չը պէտք է ստանալ «Նիւ-Եօրկ-Հերալդ» լրագիրը, որովհետեւ նրա հրատարակողը յաճախում է հրեական ընտանիքներ և այլն...

Թէ որքան անմիտ է այդ կանօնադրութիւնը և թէ ինչ հասկացողութեան տէր մարդիկ են նրա հեղինակները և հետեւողները,—այդ պարզ է ընթերցողի համար: Մեզ մնում է միայն ասել, որ հակասեմիտական շարժումը արտայայտում է ոչ այլ ինչ, եթէ ոչ յետագէժ կուսակցութիւնների թշնամութիւնը դէպի յառաջագիտութիւնը, որի համար միշտ գործել են և գործում են հրեաները:

Մասկով Ս. Կարեւանց

ՆԱՄԱԿ ԵՐԵՒԱՆԻՑ

Յունվարի 12

Արդէն յայտնված է պաշտօնագրէս, որ Եղիազար արքեպիսկոպոսը հանված է Երևանի թեմի փոխանորդական պաշտօնից, զրկված է արքեպիսկոպոսի տիտղոսից և նշանակված է անորոշ միջոցով ընակվելու Գեղարդայ վանքի մէջ, քաւելու իր եօթնամեայ փոխանորդական պաշտօնում գործած մեղքերը: Եթե անմիջապէս պաշտօնափարութեան ընթացքում երկու անգամ Երևանայ ժողովուրդը, երեք անգամ ինքը Եղիազար արքին՝ խնդրամատոյց են Էղեւ բարձրագոյն հոգևոր իշխանութեան, որ արձակէ նրան իր պաշտօնից և թոյլ տայ ընակվել Ելմիածնայ խցերից մէկի մէջ, բայց հոգ. իշխանութիւնը մերժել է թէ ժողովրդի և թէ նորին սրբազնութեան խնդիրը. առաջնայն պատասխանելով թէ «դրա ծերութիւնն ու տկարութիւնը պատճառ չէ կարող լինել պաշտօնից հանելու», իսկ իրան պատասխանելով թէ «սպասիր»: Մի և նոյն միջոցին հոգ. իշխանութիւնը պակասեցրեց սրբազանի տարեկան ուժիկը՝ 1200 ռուբլին իջեցնելով 600 ռուբլու, որպէս զի ինքը սրբազանը, թողնէ երթալ իրովին. սակայն նա մնաց և շարունակ պահանջեց իր ուժիկի պակասը և չուզեց հասկանալ հ. իշխանութեան դիտաւորութիւնը: Մատթէոս կաթողիկոսի օրով պատահած միաբանութեան ապստամբութեան մէջ Եղիազար արքեպիսկոպոսը նշանաւոր դեր խաղալով, առանձին տպաւորութիւն էր թողել նոյն միաբանութեան մէջ: Այս հանգամանքը՝ հոգ. իշխանութիւնն ի նկատի ունելով, չէր ցանկանում երբեք որ նորին գերապատուութիւնը մնայ Ելմ. միաբանութեան չըջանում: Մի և նոյն ժամանակ հ. իշխանութիւնը նշանակելով նրան փոխանորդ իւրել էր նրանից փոխանորդական պաշտօնին յատկացած բոլոր աւանդական իրաւունքները և այսու մնասել էր ոչ միայն Եղիազար եպիսկոպոսին նիւթագէս և բարոյապէս, այլ և ամբողջ Երևանի թեմի եկեղեցիներին և դպրոցներին, գոյց է անդիտակցաբար. Թեմակալ փոխանորդը զրկված լինելով իրական-իշխանական միջոցներից՝ լոկ բարոյական միջոցներով չը կարողացաւ կարգի պահել իր ստորադրեալ եկեղեցական և դպրոցական գործոց սպասաւորներին և այդու անիշխանութիւնը տիրեց թէ եկեղեցիներին և թէ եկեղեցականների մէջ, և թէ դպրոցականների մէջ, որոնց մերձաւոր հակադրութիւնը յանձն է եղած համաձայն օրինաց, թեմակալ առաջնորդին Այսպիսի անիշխանութեան միջոցին, շատ եկեղեցիներին և դպրոցներին շարժական և անշարժ կայքերը մասնաւոր անձերի սեփականութիւն դարձան, ժողովուրդը պարզեց դէպի բարձրագոյն հոգ. իշխանութիւնը և սկսեց կասկածել ազգա-

յին կոչված գործերի յառաջագիտութեան նկատմամբ. ուստի, ամենայն դո՛ւրսերակարգի ազգային հիմնարկութեանց նկատմամբ, (Իրաւացի և թէ անիրաւացի), կորուստ համարեց, որ և անտարբերութիւնը տիրեց ժողովրդի մեծամասնութեան սրտի և զգացմանց վրայ:

Հոգևոր իշխանութեան և Եղիազար եպիսկոպոսի մէջ եղած յարաբերութեան շնորհիւ ժողովուրդը կրում է վերոյիշեալ նիւթական և բարոյական միանմանը, եօթը տարվայ ընթացքում: Այժմ Եղիազար եպիսկոպոսը 72 տարեկան հասակում, մեղադրվելով մի տարաբաղդ կնոջ պաշտպանելու պատճառաւ, մի կնոջ, որ ազգական է իրան, որ չարաչար տանջված է իր մարդու անտանկի վարք ու բարբից, այժմ այդ կնոջ առթիւ ոստիկանութեան զինադրելու աղաքաւ և հոգ. իշխանութեան հրամանին ևս հակառակելու համար, պաշտօնանկ է եղած խեղճ ծերունին և պատուէր է ստացել գնալ Գեղարդայ վանքն յաքսոր:

Եթէ հ. իշխանութիւնը պատժած լինէր ծերունի եպիսկոպոսին կեղծ վկայականներ տալու և թեմ. դպրանոցին յատկացած ծննդական վկայականներից ստացված արդիւնքին խեղճ նախելու նկատմամբ, մենք ոչինչ չէինք կարող ասել, բայց 72 տարեկան ծերունուն պատժել տարփածու պահելու կեղծիքով, այդ մի դարմանալի կատակ է միայն դէպի նրա դառաւաղ ծերութիւնը:

Պէտք է գիտենալ, որ այդ մեղադրանքը մի և նոյն ժամանակ զայնակեցուցել է ժողովրդի համար ևս, որը իրաւամբ զայրացեալ պատրաստում է մի բազմաստորագիր ինչդիր առ վեհափառ Կաթողիկոսը, որպէս զի յիշեալ առթիւ չը պատժէ զառամեալ ծերունուն և բարեհաճի վերադարձնել արքեպիսկոպոսի տիտղոսը, և միանգամայն ներողամիտ լինելով, հրաման տայ նորին գերապատուութեան անցուցանել իր վերջին օրերը Ելմիածնայ պարսպների մէջ:—

Մեր կարծիքով աւելորդ էր ժողովրդի կողմից այդ տեսակ խնդիրը. արդէն մասնաւոր անձինք հասկացել են Նորին վեհափառութեան գործի էութիւնը և մենք մեծայայտ ենք, որ վեհափառ Հայրապետը մի անկիւն կը շնորհէ պատկառելի ծերունուն, որ յիստն տարուց աւելի է ծառայել Ելմիածնին, ամենայն հաւատարմութեամբ: Ինչ անենք, որ այժմ իր ծերութեան պատճառաւ հակամիտ է ստէպ—ստէպ պարապաշտութեան մէջ ընկնելու:—

Գերապատու Եղիազար եպիսկոպոսի պաշտօնանկ լինելու պատճառաւ, նոր տարուայ պաշտօնական այց և ռութիւնն և Եր. Զորհնեաց հանդէսը կատարելու համար՝ վեհափառ Կաթողիկոսն ուղարկել էր Սինօղի անդամ Գրիգոր եպիսկոպոս Տէր-Մատթէոսեանցին:

Զորհնեաց հանդէսը մի այնպիսի չեղելութեամբ կատարեց երիտասարդ եպիսկոպոսը, որի նմանը չատ տարիներից հետէ չէր տեսնված: Անթիւ բազմութիւն ուղեկցում էր հանդիսին դէպի Յորդանան և անտի դէպի եկեղեցին: Շատ մեծ էր ժողովրդի գոհութիւնը թէ սրբազան Գրիգորից և թէ նորան ուղարկողից:

Սրբազան եպիսկոպոսը զինի հանդիսին այցելութիւնն արաւ Եղիազար եպիսկոպոսին ևս, որով շատ ուրախացրեց ժողովրդին: Նաեւ կարգադրեց որ ըստ սովորութեան խաչը կնքահօր տունը չը տանեն, բայց հետեւալ օրն իսկ մեր փողապաշտ քահանաները ծածկաբար տարան կնքահօր տունը, իրանց մի քանի կօպէկից չը զրկվելու համար, առանց մտածելու, որ զորանով մնասում են եկեղեցուն: Գերապատու հայրը նկատելով մեր եկեղեցական սպասաւորների անկարգ և յետագէժ վիճակը՝ խոստացաւ անձամբ տեղեկացնել Նորին վեհափառութեան և փութացնել մի գործունեայ առաջնորդ ուղարկելու ամենակարեւոր խնդիրը: Յանկանում ենք յաջողութիւն այդ բարի դիտաւորութեան:

ՆՈՐԱՅՐ

ՆԱՄԱԿ ԽՄԲԱԳՐԻՆ

Երևան, 7 յունվարի

1879 թուականի սեպտեմբեր ամսից սկսեալ մինչև դեկտեմբերի վերջը անցեալ 1880 ամի ևս ժողովել եմ մի քանի ռուբլի յօգուտ նախկին Գլխաւորապետի և Կիլիկեան իսկ այժմեան «Միացեալ ընկերութեանց» համար, ընդամենը յիսուն և չորս ռուբլի:

Ուղարկելով ձեզ այդ գումարը և նուիրատու անձների ցուցակը, խնդրում եմ ձեզանից տպագրել «Մշակ» լրագրի մէջ այդ անձների ազգանունները, իսկ յիսուն և երկու ռուբլին հասցնել ըստ պատկանելոյն, Կ. Պօլսի «Միացեալ ընկերութեան»:

Նուիրատու անձների անունացուցակը. Ռաֆայէլ Պատկանեանց 3 ռ., Արգար Օրբելի 3 ռ., Տրդատ Վարդանեանց 3 ռ., Նիկողայոս Նաւասարդեանց 3 ռ., Նիկողայոս Թարխանեանց 3 ռ., Հայրապետ Տէր-Յովակիմեանց 3 ռ., տ. Անտուանէտ Հասան-Ջալալեան 3 ռ., տ. Սաթիկի Հասան-Ջալալեան 3 ռ., տ. Վառնիկա Հասան-Ջալալեան 3 ռ., Մեսրոպ քահանայ Գիւլումեանց 3 ռ., Օհան Քրդեանց 1 ռ., Ռուբէն Հասան-Ջալալեան 5 ռ., Հայկ Տէր-Ամբաստանեան 5 ռ., Յովհաննէս Մարգարեանց 5 ռ., Կարապետ Սառաճեանց 5 ռ., Միքայէլ Վանեցեանց 3 ռ.: Ընդամենը 54 ռ.:

Ռուբէն Ջալալեանց

ՆԱՄԱԿ ԽՄԲԱԳՐԻՆ

Թիֆլիս, 19 յունվարի

Մի քանի երիտասարդներ, անցեալ տարի ըստորագրութիւն բաց արինք յօգուտ «Արարատեան» այժմ «Միացեալ ընկերութեան», կամենալով մեր կարողութեան չափ օգնել այդ ազգօգուտ հիմնարկութեան:

Մեր ժողոված գումարը, որ 96 ռուբլ և մի քանի կօպէկ էր, խմբագրութիւնը ստացել է նուիրատուաց ցուցակի հետ միասին: Իսկ այդ ստորագրութեան թերթերից մինը մինչև այժմ չը կարողացանք հասցնել խմբագրութեանը, բոլորովին մեզանից անկախ պատճառներով: Ահա ստորագրութեան թերթի հետ միասին յանձնում եմ ձեզ դրամը, խնդրելով նաեւ տպագրելով նուիրատուաց ազգանունները ձեր պատուական թերթում, ի գիտութիւն նոցա:

Կ. Բաղդուխեանց 1 ռ. 5 կ., Մի ոմն 20 կ., Տ. Նաւասարդեանց (երևանցի) 20 կ., Ս. Տէր-Գրիգորեանց 15 կ., Ազատի Հովիթեանց 20 կ., Սամսոն Ապրելեանց 15 կ., Հայաստանցի 20 կ., Գ. Պ. Սարգսեանց 30 կ., Գ. Բեմանեանց 20 կ., Օ. Միկիրտեանց 20 կ., Михаилъ Байковъ 20 կ., Աղէքսանդր Եղիազարեանց 50 կ., Գաւիթ Բարսեղեանց 60 կ., Միքայէլ Շահումեանց 1 ռ., Գրիգոր Եղիազարեանց 50 կ., Կարչո Շահումեանց 20 կ., Մի ոմն 90 կ., Մի ոմն 20 կ., Գրիգոր Տէր-Ստեփանեանց 2 ռ., Բայրեանով 40 կ., Աղէքսանդր Այվազեանց 50 կ., Բարսեղ Ներսիսեանց 20 կ., Կ. Աբշարեանց 40 կ., В. Колыцовъ 20 կ., Թադէոս Երուանդեանց 20 կ., Արշակ Գեմուրեանց 15 կ., Գեօղալեանց Տիգրան 40 կ., Բազրատ Միկիթարեանց 15 կ., յակովբ Մանասեանց, Նիկողայոս Ամատունուց 30 կ.: Ընդամենը տասն և մէկ ռուբլի երեսուն և երկու կօպէկ (11 ռ. 32 կ.):

Այս ստորագրութեան թերթի տպագրութեան համար 2 ռ. սողերին գրողն է տուել:

Տ. Նաւասարդեանց

ՆԵՐՔԻՆ ԼՈՒՐԵՐ

«Порядокъ» լրագիրը հաղորդում է, որ կապիտան Կոստովիչ Տարեկ է մի նոր ձեռն օդապարիկ մեքենայ, որ շուտով կը ներկայացնէ Ս. Պետերբուրգի տեխնիքական ընկերութեան քըննութեանը:

«Варшавскій Дневникъ» լրագիրը հաղորդում է, որ ներքին առաջին փոխաւորութեան 200,000 ռուբլ տամոդ տոմսակը ընկաւ Եան Բէյտեր անունով հիւսնին, որ վարչապալայից ոչ հեռու զոմբոդ Սեյցի գիւղի մի այնպիսի յետ ընկած անկիւնումն էր ապրում, որ հազիւ կարողացան նրան գտնել, նրան ուրախալի լուրը յայտնելու համար:

«Մշակի» խմբագրատունը յայտնում է բոլոր թղթակիցներին և աշխատակիցներին, որ խմբագրատան մէջ ստացված յօդուածները մենք չենք վերադարձնում, բացի մեծ, մշակված, հիմնաւոր յօդուածներից: Այդ յօդուածներն էլ փոստով չենք յանձն առնում ուղարկել, այլ յօդուածագիրը պէտք է կամ ինքն յետ ստանայ, կամ յանձնի իր մի ծանօթին յետ ստանալու խմբագրատանից:

Ջարդախուլից մեզ գրում են, որ երկար ժամանակ փակված լինելուց յետոյ, այդտեղի ուսումնարանը վերջապէս կրկին բացվել է, բայց դժբաղդապէս այնպիսի ուսուցիչ ունի, որ իր բարք ու վարքով լաւ օրինակ չէ կարող լինել աշակերտների համար:

Ընթերցողին յայտնի է, որ յունվարի 7-ին ԲԱՎՈՒԻ հայ թատրոնասէրները ներկայացրին «Խաթաբայա» պիէսան: Այժմ մեզ գրում են, որ այդ ներկայացումից գոյացաւ 460 ռուբլ զուտ արդիւնք, որի կէսը վճռված է տալ «Մարդասիրական» ընկերութեան ընթերցարանի օգտին, իսկ միւս կէսը Կ. Պօլսի «Միացեալ» ընկերութեան օգտին:

Ջարմանալի բան է, որ ԹԻՖԼԻՍԻ Ֆրանսիական հասարակութիւնը բոլորովին աւտական հասարակութիւն է դարձել: Մեր ֆրանսիացիներն ոչ մի տեղ չէք տեսնի, ոչ տեղացիների տներում, ոչ կօնցերտներում ու թատրոններում, ոչ էլ կուրսերում: Նրանք փակված, յետ քաշված կեանք են վարում և նայում են կարծես մեր հասարակութեան վրա ինչպէս կաթնատու կովի վրա միայն, որոնց միջոցով կարելի է հարստանալ և ապա առանց որ և է յարաբերութիւն ունենալու տեղական հասարակութեան հետ, վերադառնալ Թիֆլիսից Ֆրանսիա: Ֆրանսիացիները մի կօպէկ չի տայ տեղական մի որ և է բարեգործական նպատակին, այն ինչ ինքն հարստանում է և տեղացիներին հարստահարում է թանգ թանգ ծախելով մեզ վրա զանազան ժողային ապրանքներ: Նոյնպէս, երբ որ իրանք պարահանդէս են տալիս յօգուտ իրանց բարեգործական ընկերութեան, արգելում են ծախել տոմսակներ տեղացիների վրա, արգելում են տեղացիներին իրանց չլքանի մէջ մուտքը: Այդ երեւի այն նպատակով, որ նրանցից էլ ոչ ինչ չը պահանջեն, երբ տեղական մի որ և է բարեգործութեան համար ստորագրութիւն, թատրոնական ներկայացում, կօնցէրտ կամ պարահանդէս է լինում:

Լսում ենք, որ Գարրիէլ Սուսլովեանց նորից մշակել է իր «Էլի մէկ զոհ» պիէսան, աւելացրել է այդ գրուածքին չորրորդ գործողութիւն և կատարելագործել է պիէսայի մէջ երիտասարդ սերունդի տիպերը: Ասում են, որ այս օրերս մեր հեղինակի այդ ձեռով փոխված պիէսան կը ներկայացնի Թիֆլիսի թատրոնում:

«Кавказъ» լրագիրը լսել է, որ փետրվար ամսից սկսած պ. Պաւլ Կալ ևս ուսուցաւ օպերա չի ունենալ: Լսվում է, որ առհասարակ օպերա չի լինի Թիֆլիսում, մինչև քաղաքային մեծ թատրոնի շինութեան վերջանալը:

Լսում ենք, որ առաջիկայ մեծ պատին մի քանի պարոններ դիտաւորութիւն ունեն կարգաւ Արծրունու թատրոնում մի շարք դասախօսութիւնների: Ոմանք կը կարդան հայերէն լեզուով, միւսները ռուսերէն, իսկ մի պարոն կը դասախօսի ֆրանսերէն լեզուով:

«Порядокъ» լրագիրը հաղորդում է, որ այս օրերս պ. Գոլտոր Ժուկ հրատարակեց մի զիրք Ս. Պետերբուրգում «Мать и дитя» վերնագրով (Մայր և ծանկ): Այդ գրքում բազմաթիւ օգտաւէտ տեղեկութիւններ կարելի է գտնել մօր դրութեան մասին ընտանիքում և երեխաների դաստիարակութեան մասին:

ԳԱՆՁԱԿԻՑ մեզ գրում են որ այդտեղի «Մշակի» բաժանորդներից շատերը չեն կարողանում իրանց համարները փոստից ստանալ, որովհետեւ ուրիշ անձինք, որոնք թէև սատուիկ հետաքրքրվում են «Մշակով» բայց իրանք չեն կամենում տարեկան 10 ռուբլ տալ խմբագրութեանը, փոստը ստանալուն պէս վազում են փոստատուն և սեփականացնում են լրագրի ստացված համարները: Այդ նոր ձեռ գողութեան շնորհով որ հայի ժառանգներից է ծագում, «Մշակի» բաժանորդները չեն կարողանում իրանց անունով համարները ձեռք բերել: